

<b>Adroddiad i'r</b>	Y Pwyllgor Llywodraethu ac Archwilio
<b>Dyddiad y Cyfarfod</b>	27 Gorffennaf 2022
<b>Aelod / Swyddog Arweiniol</b>	Gwyneth Ellis, Aelod Arweiniol Cyllid, Perfformiad ac Asedau Strategol
<b>Awdur yr adroddiad</b>	Steve Gadd, Pennaeth Cyllid ac Eiddo
<b>Teitl</b>	Ymholiadau Archwilio 2021/22

## 1. Am beth mae'r adroddiad yn sôn?

I gyflwyno Llythyr Ymholiadau Archwilio ac ymateb y Cyngor i'r ymholiadau hynny.

## 2. Beth yw'r rheswm dros lunio'r adroddiad hwn?

Mae gan Archwilio Cymru, fel archwilwyr allanol a benodwyd gan Gyngor Sir Ddinbych, ddyletswydd i gael tystiolaeth o sut mae rheolwyr a'r sawl sy'n gyfrifol am lywodraethu (sef y Pwyllgor Llywodraethu ac Archwilio yng Nghyngor Sir Ddinbych) yn cyflawni eu cyfrifoldebau ar gyfer atal a datgelu twyll. Mae'r llythyr yn nodi'r gofynion a manylion yr ymatebion wedi'u cynnwys yn **Atodiad 1 a 2**. Mae'r ymatebion yn ymwneud â blwyddyn ariannol 2021/22 ac felly gofynnwyd i Gadeirydd blaenorol y Pwyllgor Llywodraethu ac Archwilio adolygu ymateb arfaethedig y Cyngor.

## 3. Beth yw'r Argymhellion?

Bod y Pwyllgor Llywodraethu ac Archwilio yn nodi bod yr ymatebion yn Atodiad 2 i'r adroddiad hwn wedi'u cymeradwyo gan Gadeirydd blaenorol y Pwyllgor Llywodraethu ac Archwilio ar 4 Mai 2022 a'u cyflwyno i Archwilio Cymru ar 6 Mai 2022.

## **4. Manylion yr adroddiad**

Mae manylion ymatebion y rheolwyr (Steve Gadd, Pennaeth Cyllid ac Eiddo, a Bob Chowdhury, Prif Archwilydd Mewnol) a'r Pwyllgor Llywodraethu ac Archwilio (Cyng Barry Mellor, Cadeirydd y Pwyllgor Llywodraethu ac Archwilio) wedi'u nodi yn Atodiad 2. Yn gryno, roedd yr ymatebion yn nodi ymagwedd y Cyngor tuag at y meysydd canlynol o lywodraethu:

- Prosesau rheoli sydd ar waith i adnabod a lliniaru yn erbyn y risg o dwyll.
- Ymwybyddiaeth o unrhyw achosion gwirioneddol neu honedig o dwyll.
- Prosesau i gael sicrwydd y cydymffurfiwyd â'r holl gyfreithiau a rheoliadau perthnasol.
- A oes unrhyw ymgyfreithiad posibl neu hawliadau a fyddai'n effeithio ar y datganiadau ariannol.
- Prosesau i adnabod, awdurdodi, cymeradwyo, cyfrif am a datgelu trafodion partïon cysylltiedig a pherthnasoedd.

## **5. Sut mae'r penderfyniad yn cyfrannu at y Blaenoriaethau Corfforaethol?**

Mae'r broses archwilio allanol flynyddol yn sail i stiwardiaeth a llywodraethu ariannol y Cyngor ac felly mae'n cefnogi holl wasanaethau a blaenoriaethau'r Cyngor.

## **6. Faint fydd yn ei gostio a sut fydd yn effeithio ar wasanaethau eraill?**

Does dim costau ychwanegol yn codi o ganlyniad i'r adroddiad hwn.

## **7. Beth yw prif gasgliadau'r Aseiad o'r Effaith ar Les?**

Barn broffesiynol y Swyddog Adran 151 yw nad oes angen Aseiad o'r Effaith ar Les ar gyfer yr adroddiad hwn.

## **8. Pa ymgynghoriadau sydd wedi'u cynnal gyda Chraffu ac eraill?**

Gofynnodd Swyddfa Archwilio Cymru am ymatebion gan Steve Gadd fel Pennaeth Cyllid ac Eiddo a Swyddog Adran 151 a'r Cyngorydd Barry Mellor fel Cadeirydd y Pwyllgor

Llywodraethu ac Archwilio. Ymgynghorwyd hefyd â Bob Chowdhury, y Prif Archwilydd Mewnol.

## **9. Datganiad y Prif Swyddog Cyllid**

Mae'n bwysig fod y Cyngor yn cyflawni ei gyfrifoldeb dros atal a chanfod twyll ym mhob agwedd o'i waith. Mae'r sicrwydd y mae Archwilio Cymru yn ei geisio mewn cysylltiad â thwyll yn ffurfio gwiriad defnyddiol i sicrhau bod prosesau priodol ar waith i adnabod a lliniaru yn erbyn y risg o dwyll.

## **10. Pa risgiau sydd yna ac oes yna unrhyw beth y gallwn ei wneud i'w lleihau?**

Y risg yw y gall twyll arwain at gamgymeradwyo asedau'r Cyngor neu drin neu gamddatgan y datganiadau ariannol. Mae'r ymatebion gan reolwyr a'r Pwyllgor Llywodraethu ac Archwilio yn helpu i ddangos fod prosesau ar waith er mwyn adnabod ac ymateb i'r risg o dwyll a bod digon o reolaethau mewnol ar waith i liniaru'r risgiau hynny.

## **11. Pŵer i wneud y penderfyniad**

Mae'r Safon Ryngwladol ar Archwilio (Y DU ac Iwerddon) 240 (ISA 240) yn nodi mai'r rheolwyr a'r 'rheini sydd yng ngofal llywodraethu', sef y Pwyllgor Llywodraethu Corfforaethol yng Nghyngor Sir Ddinbych, sydd yn bennaf gyfrifol am atal a chanfod twyll. Mae ISA 240 yn nodi'r gofyniad am archwiliad allanol i gael dealltwriaeth o sut mae'r Cyngor yn cyflawni ei gyfrifoldebau.